



---

*Uimhir 22 de 2020*

---

**An tAcht um an mBord um Athstruchtúrú Comhar Creidmheasa (Díscaoileadh), 2020**  
[*An tiontú oifigiúil*]

---





---

*Uimhir 22 de 2020*

---

**AN TACHT UM AN mBORD UM ATHSTRUCHTÚRÚ COMHAR  
CREIDMHEASA (DÍSCAOILEADH), 2020**

[*An tiontú oifigiúil*]

---

**CLÁR AN ÁBHAIR**

**CUID 1**

**RÉAMHRÁITEACH AGUS GINEARÁLTA**

Alt

1. Gearrtheideal, comhlua, forléiriú agus tosach feidhme
2. Mínithe
3. Caiteachais
4. Forálacha áirithe d'Acht 2012 a aisghairm
5. Cosaint

**CUID 2**

**AN BORD UM ATHSTRUCHTÚRÚ COMHAR CREIDMHEASA A DHÍSCAOILEADH**

6. An Bord um Athstruchtúrú Comhar Creidmheasa a dhíscaoileadh
7. Feidhmeanna áirithe de chuid an chomhlachta dhíscaoilte a aistriú chuig an Aire
8. Maoin a aistriú
9. Cearta agus dliteanais a aistriú
10. Dliteanas i leith caillteanas a tharlóidh roimh an lá díscaoilte
11. Forálacha de dhroim feidhmeanna, maoin, cearta agus dliteanais a aistriú
12. Taifid an chomhlachta dhíscaoilte
13. Cuntas chríochnaitheacha an chomhlachta dhíscaoilte

**CUID 3**

**LEASÚ AR ACHT 2012**

14. Leasú ar alt 47 d'Acht 2012

15. Leasú ar alt 48 d'Acht 2012
16. Leasú ar alt 50 d'Acht 2012
17. Leasú ar alt 57 d'Acht 2012
18. Leasú ar alt 59 d'Acht 2012
19. Leasú ar alt 65 d'Acht 2012

CUID 4

LEASUITHE ILGHNÉITHEACHA

20. Leasú ar alt 33AK d'Acht an Bhainc Cheannais, 1942
21. Leasú ar alt 61H d'Acht an Bhainc Cheannais, 1942
22. Leasú ar Sceideal 1 a ghabhann leis an Acht um Shaoráil Faisnéise, 2014

[2020.]

*An tAcht um an mBord um Athstruchtúrú  
Comhar Creidmheasa (Discaoileadh), 2020.*

[Uimh. 22.]

NA hACHTANNA DÁ DTAGRAÍTEAR

Acht an Bhainc Cheannais, 1942 (Uimh. 22)

Na hAchtanna um Chomhar Creidmheasa, 1997 go 2018

An tAcht um Chomhar Creidmheasa agus Comhoibriú le Rialálaithe Coigríche, 2012 (Uimh. 40)

An tAcht um Shaoráil Faisnéise, 2014 (Uimh. 30)

An tAcht um Pinsin na Seirbhise Poiblí (Scéim Aonair agus Forálacha Eile), 2012 (Uimh. 37)





---

*Uimhir 22 de 2020*

---

**AN TACHT UM AN mBORD UM ATHSTRUCHTÚRÚ COMHAR  
CREIDMHEASA (DÍSCAOILEADH), 2020**

*[An tiontú oifigiúil]*

---

Acht do dhéanamh socrú chun an Bord um Athstruchtúrú Comhar Creidmheasa a dhíscaoileadh; d'aistriú feidhmeanna áirithe de chuid an Bhoird um Athstruchtúrú Comhar Creidmheasa chuig an Aire Airgeadais; do leasú an Acharta um Chomhar Creidmheasa agus Comhoibriú le Rialálaithe Coigríche, 2012; do dhéanamh socrú maidir le leasú iarmhartach a dhéanamh ar achtacháin eile; agus do dhéanamh socrú i dtaobh nithe a bhaineann leis an méid sin.

[6 Nollaig 2020]

**Achtaítear ag an Oireachtas mar a leanas:**

CUID 1

RÉAMHRÁITEACH AGUS GINEARÁLTA

**Gearrtheideal, comhlua, forléiriú agus tosach feidhme**

1. (1) Féadfar an tAcht um an mBord um Athstruchtúrú Comhar Creidmheasa (Díscaoileadh), 2020 a ghairm den Acht seo.
- (2) Féadfar na hAchtanna um Chomhar Creidmheasa, 1997 go 2020 a ghairm de na hAchtanna um Chomhar Creidmheasa, 1997 go 2018 agus den Acht seo (seachas *Cuid 4*) le chéile agus léifear le chéile iad mar aon ní amháin.
- (3) Tiocfaidh an tAcht seo i ggníomh cibé lá nó laethanta a cheapfaidh an tAire le hordú nó le horduithe i gcoitinne nó faoi threoir aon chríoch nó foráil áirithe agus féadfar laethanta éagsúla a cheapadh amhlaidh chun críoch éagsúil nó le haghaidh forálacha éagsúla.

**Mínithe**

2. San Acht seo—

ciallaíonn “Acht 2012” an tAcht um Chomhar Creidmheasa agus Comhoibriú le Rialálaithe Coigríche, 2012;

ciallaíonn “an lá díscaoilte” an lá a cheapfar mar an lá díscaoilte faoi *alt 6*;  
 tá le “comhlacht díscaoilte” an bhrí a shanntar dó le *halt 6*;  
 ciallaíonn “an tAire” an tAire Airgeadais;  
 tá le “údarás iomchuí” an bhrí a shanntar dó le halt 5(1) den Acht um Pinsin na Seirbhise Poiblí (Scéim Aonair agus Forálacha Eile), 2012.

### **Caiteachais**

3. Déanfar na caiteachais a thabhdóidh an tAire ag riarradh an Achta seo a íoc, a mhéid a cheadhdóidh an tAire Caiteachais Phoiblí agus Athchóirithe é, as airgead a sholáthroidh an tOireachtas.

### **Forálacha áirithe d’Acht 2012 a aisghairm**

4. Aisghairtear na forálacha seo a leanas d’Acht 2012:
  - (a) ailt 40 go 46;
  - (b) fo-ailt (1) go (3) agus fo-ailt (6) d’alt 47;
  - (c) alt 49;
  - (d) fo-ailt (3)(a), (4) agus (5) d’alt 50;
  - (e) ailt 51 go 55;
  - (f) fo-ailt (1), (2) agus (4) d’alt 56;
  - (g) fo-ailt (2)(a) agus (5) d’alt 57;
  - (h) fo-ailt (2) d’alt 59;
  - (i) fo-ailt (1) d’alt 60;
  - (j) fo-ailt (2) agus (3) d’alt 65.

### **Cosaint**

5. Maidir le rialacháin arna ndéanamh ag an gcomhlacht díscaoilte faoi alt 47 d’Acht 2012 agus a bheidh i bhfeidhm díreach roimh an lá díscaoilte, d’ainneoin aisghairm fho-ailt (1) d’alt 47 d’Acht 2012 le *halt 4*, leanfaidh siad i bhfeidhm an lá sin agus dá éis amhail is dá mba é nó í an tAire a rinne iad.

CUID 2

AN BORD UM ATHSTRUHTÚRÚ COMHAR CREIDMHEASA A DHÍSCAOILEADH

### **An Bord um Athstruchtúrú Comhar Creidmheasa a dhíscaoileadh**

6. (1) An lá díscaoilte, beidh an Bord um Athstruchtúrú Comhar Creidmheasa (dá ngairtear an “comhlacht díscaoilte” san Acht seo) arna dhíscaoileadh.

- (2) Féadfaidh an tAire, le hordú, lá a cheapadh chun bheith ina lá dhíscaoilte chun críocha an Acharta seo.

### **Feidhmeanna áirithe de chuid an chomhlachta dhíscaoilte a aistriú chuig an Aire**

7. (1) Déanfar na feidhmeanna a bheidh dílsithe don chomhlacht dhíscaoilte díreach roimh an lá dhíscaoilte le fo-ailt (4) agus (5) d'alt 47, fo-alt (1) d'alt 48 agus fo-alt (3) d'alt 50 d'Acht 2012, nó fúthu, a aistriú chuig an Aire.
- (2) Déanfar na feidhmeanna a bheidh dílsithe don chomhlacht dhíscaoilte mar údarás iomchuí díreach roimh an lá dhíscaoilte leis an Acht um Pinsin na Seirbhise Poiblí (Scéim Aonair agus Forálacha Eile), 2012, nó faoi, a aistriú chuig an Aire.
- (3) Déanfar tagairtí in aon achtachán, nó in aon ionstraim faoi achtachán, don Bhord um Athstruchtúrú Comhar Creidmheasa, a mhéid a bhaineann na tagairtí sin le feidhm a aistreofar chuig an Aire faoin alt seo, a fhordóirí mar thagairtí don Aire.
- (4) Tiocfaidh an t-alt seo i ngníomh an lá dhíscaoilte.

### **Maoin a aistriú**

8. (1) An lá dhíscaoilte, beidh an mhaoin uile (seachas talamh), lena n-áirítear ábhair i gcaingean, a bhí, díreach roimh an lá sin, dílsithe don chomhlacht dhíscaoilte, arna dílsíú don Aire gan aon sannadh.
- (2) Maidir le gach ábhar i gcaingean a dhílseofar don Aire de bhua *fhfo-alt (1)*, féadfaidh an tAire, ar an agus ón lá dhíscaoilte, agra a dhéanamh ina leith, é a ghnóthú nó é a fhordóirí ina ainm nó ina hainm féin, agus ní gá don Aire, ná don chomhlacht dhíscaoilte, fógra i dtaobh an dílsithe a dhéanfar leis an bhfo-alt sin a thabhairt d'aon duine atá faoi cheangal ag an ábhar i gcaingean.

### **Cearta agus dliteanas a aistriú**

9. (1) Gach ceart agus dliteanas de chuid an chomhlachta dhíscaoilte a eascróidh de bhua aon chonradh nó gealltanais (sainráite nó intuigthe) arna dhéanamh aige roimh an lá dhíscaoilte, beidh sé, an lá sin, arna aistriú chuig an Aire.
- (2) Maidir le gach ceart agus dliteanas a aistreofar chuig an Aire le *fo-alt (1)*, féadfaidh an tAire, an lá dhíscaoilte agus dá éis, agra a dhéanamh ina leith, é a ghnóthú nó é a fhordóirí ina ainm nó ina hainm féin, agus ní gá don Aire, ná don chomhlacht dhíscaoilte, fógra i dtaobh an aistrithe sin a thabhairt don duine a n-aistreofar a cheart nó a ceart nó a dhliteanas nó a dliteanas leis an bhfo-alt sin.

### **Dliteanas i leith caillteanas a tharlóidh roimh an lá dhíscaoilte**

10. (1) Déanfar éileamh i leith aon chaillteanas nó diobháil a líomhnófar a bheith fulaingthe ag aon duine de dheasca aon fheidhmeanna de chuid an chomhlachta dhíscaoilte a chomhlíonadh roimh an lá dhíscaoilte a thabhairt i gcoinne an Aire an lá sin agus dá éis agus ní i gcoinne an chomhlachta dhíscaoilte.
- (2) Aon imeachtaí dlí a bheidh ar feitheamh díreach roimh an lá dhíscaoilte agus ar páirtí iontu an comhlacht dhíscaoilte, leanfar diobh ach an tAire a chur in ionad an chomhlachta dhíscaoilte sna himeachtaí, a mhéid a bhaineann siad leis nó léi.

- (3) Más rud é, roimh an lá discaoilte, go mbeidh comhaontú déanta idir na páirtithe lena mbaineann mar shocrú ar éileamh lena mbaineann *fo-alt* (1) ach nach mbeidh téarmaí an chomhaontaithe curtha i ngníomh, nó go mbeidh breithiúnas in éileamh den sórt sin tugtha i bhfabhar duine ach nach mbeidh sé forfheidhmithe, beidh téarmaí an chomhaontaithe nó an bhreithiúnais, de réir mar a bheidh, a mhéid a bheidh siad infhorfheidhmithe i gcoinne an chomhlachta dhíscaoilte, infhorfheidhmithe i gcoinne an Aire agus ní i gcoinne an chomhlachta dhíscaoilte.
- (4) Aon éileamh a dhéanfaidh an comhlacht discaoilte, nó is cuí don chomhlacht discaoilte a dhéanamh, i leith aon chaillteanas nó díobháil a eascróidh as gníomh nó as mainneachtain aon duine roimh an lá discaoilte, measfar, an lá sin nó dá éis, gur éileamh é a rinne an tAire nó ba chuí don Aire a dhéanamh agus féadfaidh an tAire é a shaothrú agus agra a dhéanamh ina leith amhail is dá mba é nó í an tAire a d'fhulaing an caillteanas nó an díobháil.

### **Forálacha de dhroim feidhmeanna, maoin, cearta agus dliteanais a aistriú**

11. (1) Maidir le haon ní a thosófar agus nach gcríochnófar roimh an lá discaoilte le húdarás an chomhlachta dhíscaoilte nó faoi údarás an chomhlachta dhíscaoilte, féadfaidh an tAire leanúint ar aghaidh leis nó é a chríochnú an lá discaoilte nó dá éis.
- (2) Maidir le gach ionstraim arna déanamh faoi achtachán, agus le gach doiciméad (lena n-áirítear aon deimhniú) arna dheonú nó arna dhéanamh, i gcomhlónadh feidhme a aistreofar le *halt* 7, más rud é go raibh an ionstraim sin nó an doiciméad sin i bhfeidhm, agus a mhéid a bhí an ionstraim sin nó an doiciméad sin i bhfeidhm, díreach roimh an lá discaoilte, beidh éifeacht léi nó leis an lá sin agus dá éis amhail is dá mba é nó í an tAire a dheonaigh nó a rinne í ní é.
- (3) Déanfar tagairtí don Bhord um Athstruchtúrú Comhar Creidmheasa atá i meabhrán comhlachais nó in airteagail chomhlachais aon chuideachta agus a bhaineann le feidhm a aistreofar chuig an Aire faoi *alt* 7, a fhorlíriú, an lá discaoilte agus dá éis, mar thagairtí don Aire.
- (4) Aon airgead, stoic, scaireanna nó urrúis a aistreofar chuig an Aire le *halt* 8 agus a bhí díreach roimh an lá discaoilte, in ainm an chomhlachta dhíscaoilte, déanfar, ar iarraidh a fháil ón Aire, iad a aistriú isteach in ainm an Aire.
- (5) Beidh deimhniú arna shíniú ag an Aire Caiteachais Phoiblí agus Athchóirithe á rá, maidir le haon mhaoin, ceart nó dliteanas, gur dílsíodh nó, de réir mar a bheidh, nár dílsíodh í ní é don Aire faoi *alt* 8 nó *alt* 9, ina fhianaise leormhaith, mura suífear a mhalairt, ar an bhfioras arna dheimhniú amhlaidh chun gach críche.

### **Taifid an chomhlachta dhíscaoilte**

12. Gach taifead a bheidh ina sheilbh ag an gcomhlacht discaoilte díreach roimh an lá discaoilte, beidh sé, an lá sin, arna aistriú chuig an Aire agus, ar an agus ón lá sin, is maoin de chuid an Aire é agus measfar é a bheith i seilbh an Aire.

### **Cuntas chríochnaitheacha an chomhlachta dhíscaoilte**

13. (1) A luithe is féidir tar éis an lae discaoilte, ach tráth nach déanaí ná bliain amháin ina dhiaidh, cuirfidh an tAire faoi deara go n-ullmhófar cuntas chríochnaitheacha an chomhlachta dhíscaoilte i leith na tréimhse a shonrófar faoi *fho-alt* (3).

- (2) Déanfaidh an tAire, a luaithe is féidir, cuntas arna n-nullmhú de bhun an ailt seo a chur faoi bhráid an Ard-Reachtaire Cuntas agus Ciste lena n-iniúchadh agus, díreach tar éis an iniúchta, déanfar cóip de na cuntas arna n-iniúchadh amhlaidh agus cóip de thuarascáil an Ard-Reachtaire Cuntas agus Ciste ar na cuntas a thíolacadh don Aire agus cuirfidh an tAire faoi deara coípeanna de na cuntas iniúchta sin agus den tuarascáil sin a leagan faoi bhráid gach Tí den Oireachtas.
- (3) Chun críocha *fho-alt* (1), féadfaidh an tAire tréimhse is faide nó is giorra ná bliain airgeadais de chuid an chomhlachta dhíscaoilte a shonrú.

CUID 3

LEASÚ AR ACHT 2012

### Leasú ar alt 47 d'Acht 2012

14. Leasaítear alt 47 d'Acht 2012 tríd an bhfo-alt seo a leanas a chur in ionad fho-alt (5):

- “(5) Féadfaidh an tAire aon mhéid a bheidh dlite agus ag dul do BACC maidir le tobhach arna mhuirearú faoi na Rialacháin um Chiste na gComhar Creidmheasa (Tobhach BACC), 2015 (I.R. Uimh. 557 de 2015), na Rialacháin um Chiste na gComhar Creidmheasa (Tobhach BACC), 2016 (I.R. Uimh. 585 de 2016) nó na Rialacháin um Chiste na gComhar Creidmheasa (Tobhach BACC), 2017 (I.R. Uimh. 283 de 2017) a ghnóthú mar fhiach conartha shimplí in aon chírt dlínse inniuila ó dhuine a mbeidh an táille iníochta aige nó aici.”.

### Leasú ar alt 48 d'Acht 2012

15. Leasaítear alt 48 d'Acht 2012 tríd an bhfo-alt seo a leanas a chur in ionad fho-alt (1):

- “(1) Is é an tAire a bhaileoidh tobhach BACC arna mhuirearú faoi na Rialacháin um Chiste na gComhar Creidmheasa (Tobhach BACC), 2015, na Rialacháin um Chiste na gComhar Creidmheasa (Tobhach BACC), 2016 nó na Rialacháin um Chiste na gComhar Creidmheasa (Tobhach BACC), 2017.”.

### Leasú ar alt 50 d'Acht 2012

16. Leasaítear alt 50 d'Acht 2012—

- (a) i bhfo-alt (3), trí “an tAire” a chur in ionad “BACC”, agus
- (b) i mír (b) d’fho-alt (6), trí “an tAire” a chur in ionad “BACC”.

### Leasú ar alt 57 d'Acht 2012

17. Leasaítear alt 57 d'Acht 2012—

- (a) tríd an mír seo a leanas a chur in ionad mhír (c) d’fho-alt (2):

“(c) na caiteachais arna dtabhú ag an Aire le linn dó nó di a fheidhmeanna nó a feidhmeanna a chomhlíonadh faoin Acht seo a íoc agus aon

chaiteachais a bhaineann le BACC a dhíscaoileadh, agus a ghabhann le BACC a dhíscaoileadh, a íoc,”,

(b) tríd an bhfo-alt seo a leanas a chur in ionad fho-alt (4):

“(4) Faoi réir fho-alt (4A), féadfaidh an tAire aon airgead a aistriú as Ciste na gComhar Creidmheasa isteach sa Phríomh-Chiste.”,

(c) tríd an bhfo-alt seo a leanas a chur isteach i ndiaidh fho-alt (4):

“(4A) Ní dhéanfar airgead chun tacaíocht chobhsúcháin a sholáthar de réir Chuid 4 a aistriú as Ciste na gComhar Creidmheasa chuig an bPríomh-Chiste.”,

(d) i bhfo-alt (7), trí “i bhfo-alt (6)” a chur in ionad “i bhfo-ailt (5) agus (6)”, agus

(e) i bhfo-alt (8), trí “faoi fho-alt (6)” a chur in ionad “faoi fho-alt (5) nó (6) ”.

### **Leasú ar alt 59 d’Acht 2012**

**18.** Leasaítear alt 59 d’Acht 2012—

(a) i bhfo-alt (4)—

(i) trí “faoi fho-alt (3)” a chur in ionad “faoi fho-alt (2)”, agus

(ii) i mír (a), trí “chun tacaíocht airgeadais a sholáthar d’fhoínn athstruchtúrú a dhéanamh ar chomhair chreidmheasa faoin gCuid seo, nó” a scríosadh,

(b) i bhfo-alt (5), trí “faoi fho-alt (3)” a chur in ionad “faoi fho-alt (2)”, agus

(c) tríd an mír seo a leanas a chur in ionad mhír (a) d’fho-alt (6) :

“(a) rachaidh an tAire i gcomhairle leis an mBanc agus leis an gCoiste Comhairleach um Chomhar Creidmheasa, agus”.

### **Leasú ar alt 65 d’Acht 2012**

**19.** Leasaítear alt 65 d’Acht 2012 i bhfo-alt (1), i mír (a), trí “Faoi réir alt 64,” a chur in ionad “Faoi réir fho-alt (2) agus alt 64.”.

CUID 4

LEASUITHE ILGHNÉITHEACHA

### **Leasú ar alt 33AK d’Acht an Bhainc Cheannais, 1942**

**20.** Leasaítear alt 33AK d’Acht an Bhainc Cheannais, 1942 i bhfo-alt (5) tríd an mír seo a leanas a chur in ionad mhír (aja) (a cuireadh isteach le fo-alt (3) d’alt 56 d’Acht 2012):

“(aja) don Aire a theastaíonn chun feidhmeanna an Aire faoin Acht um Chomhar Creidmheasa agus Comhoibriú le Rialálaithe Coigríche, 2012 a chomhlónadh, nó”.

### **Leasú ar alt 61H d'Acht an Bhainc Cheannais, 1942**

21. Leasaítear alt 61H d'Acht an Bhainc Cheannais, 1942 i bhfo-alt (4) trí mhír (ca) (a cuireadh isteach le fo-alt (2) d'alt 48 d'Acht 2012) a scríosadh.

### **Leasú ar Sceideal 1 a ghabhann leis an Acht um Shaoráil Faisnéise, 2014**

22. Leasaítear Sceideal 1 a ghabhann leis an Acht um Shaoráil Faisnéise, 2014 i gCuid 1 tríd an mír seo a leanas a chur in ionad mhír (e):

“(e) an tAire Airgeadais, a mhéid a bhaineann sé le haon taifid atá ina sheilbh nó ina seilbh ag an Aire sin agus ina bhfuil faisnéis phearsanta nó rúnda (lena n-áirítear faisnéis rúnda airgeadais nó tráchtála) maidir le gnó aon duine, atá ina sheilbh nó ina seilbh ag an Aire chun aon cheann dá fheidhmeanna reachtúla nó dá feidhmeanna reachtúla a chomhlónadh faoin Acht um Chomhar Creidmheasa agus Comhoibriú le Rialálaithe Coigríche, 2012, seachas i gcás go ndéantar an fhaisnéis sin a thíolacadh ar mhodh (cibé acu comhiomlánaithe, achoimrithe nó eile, nó a bhaineann le níos mó ná duine amháin) a chinntíonn nach ndéantar aon fhaisnéis phearsanta nó rúnda den sórt sin a nochtadh agus nach féidir aon duine a shaináithint ó na taifid nó ón bhfaisnéis lena mbaineann;”.

---

BAILE ÁTHA CLIATH  
ARNA FHOILSIÚ AG OIFIG AN tSOLÁTHAIR  
Le ceannach direach ó  
FOILSEACHÁIN RIALTAIS,  
BÓTHAR BHAILE UÍ BHEOLÁIN, CILL MHAIGHNEANN,  
BAILE ÁTHA CLIATH 8, D08 XAO6.  
Tel: 046 942 3100  
r-phost: publications@opw.ie  
nó trí aon dioltóir leabhar.

---


DUBLIN  
PUBLISHED BY THE STATIONERY OFFICE  
To be purchased from

GOVERNMENT PUBLICATIONS,  
MOUNTSHANNON ROAD, KILMAINHAM,  
DUBLIN, D08 XAO6.

Tel: 046 942 3100  
Email: publications@opw.ie  
or through any bookseller.

€2.54

Wt. —. 42. 6/22. Essentra. (92289). Gr.30-15.



9 781399 302463